


# Қўқон хони Шералихоннинг маънавий устози ким бўлган? (иккинчи мақола)



11:27 / 01.01.2022 1641

Манбаларда келтирилишича, Қўқон хони Шералихон (1797-1845) тахтга келгунга қадар Қирғизистоннинг Талас водийсида тоғасининг қўлида улғаяди. У болалигидан қирғизлар ичидаги йилқи боқиб, ўтовларда қишлаб кун кечиради. Шералихонни Таласга келиб қолишининг тарихи, отаси Ҳожибек жияни Олимхон билан тахт учун даъвогарликда сиёсий кураш олиб борган. Олимхон курашда ғолиб бўлиб, Ҳожибек ва аёлинини қатл этади. Унинг норасида фарзандлари Улуғбек, Шералибек, Бекўғлибекларни тоғаси ва Намангандарни улуғлари олиб кетиб, Таласга яширадилар. Талас водийси Намангандарни Чорток тумани билан чегара дош ҳудуд бўлган [\[1\]](#).

Кейинчалик, Шералихон ўсиб улғайиб, устози ва пири Ҳожа Дониёрда таълим олади. Шералихон устозидан шариат билимлари ва тариқат одобларидан пухта таълим олади. Ҳожа Дониёр Шералихонни ҳукмдор бўлишини 40 кун аввал билган. Унга агар ҳукмдор бўлиб қолсангиз нима қиласиз? – дейди устози. Шералихон салтанатимни ярмини сизга бераман дейди. Орадан 39 кун ўтгач Шералихонни излаб келишади ва 40 куни уни тахтиравонга солиб, хон қилиб олиб кетишади. Бу ҳам Ҳожа Дониёр кароматларидир.

Эшон ҳазрат авлодлари асосан Фарғона водийсида, қисман Тошкент ва Қирғизистонда истиқомат қилишади. Катта ўғиллари Хожа Сайид Аҳмад эшон Учқўрғонга кўчиб кетгач, қолган ўғил-қизлари ва яқинлари эса Алихон, Чўмбағиши, Арбағиши, Пиштқирон ва Балиққўлда яшаб қолишиган. Хожа Дониёр узоқ умр қўриб, тахминан, 1845-1850 йиллар орасида оламдан ўтади. Уни Пиштқирондаги ўзи кавлаган ғорга дафн этилади. Қабри кейинчалик авлодлари томонидан уч пахса девор билан ўралиб сувалган, устига эса ясси тошлар ётқизиб чиқилган. Қишлоқ нуронийларининг маълумотига кўра, 1948-1950 йиларда ҳам шу ҳолатда турган [\[2\]](#).

Шўролар даврида Хожа Дониёр эшон қабри ҳам қаровсиз ва ташландиқ ҳолатга тушиб қолди. Натижада одамлар қабрда ётган азиз зотнинг таржимаи ҳоли ва қилган ишларини унутиб юборишиди. Бугунги кунга келиб ҳам Хожа Дониёр қабри диққат ва эътиборга муҳтоҷдир. Тарих ва маданий меросимизни кенг ўрганаётган бир вактда, шунингдек, нақшбандийлик тариқатининг етук кишиларининг ҳаётини ўрганиш ва тадқиқ этиш илмий ва ижтимоий аҳамиятга эгадир.

(Тамом)

**Акрам Шарипов, мустақил тадқиқотчи.**

**Тошкент вилояти Чиноз тумани Олмазор қўрғони.**

[1] Худоёрхонзода. Анжум ат-таворих.(Тарих юлдузлари). —Т.; Fan va texnalogiya, 2014.6. 348. Б. 302

[2] Ушбу маълумотлар Хожа Дониёр эшон авлодларининг шахсий архивидан олинди.